

續修四庫全書



《續修四庫全書》編纂委員會編

續修四庫全書

上海古籍出版社

一一七六・子部・雜家類

天史十二卷問天亭放言一卷

〔清〕丁耀亢撰

印竹杖七卷

〔清〕施男撰

二樓紀略四卷

〔清〕佟賦偉撰

劉繼莊先生廣陽雜記五卷

〔清〕劉獻廷撰

二三五

四五

五三三

天

史

〔清〕丁耀亢撰

據北京大學圖書館藏明崇禎刻本影印原書版框高二〇五毫米寬二九四毫米

鍾龍淵
董思白

兩先生評

翻刻必究

天史

琅邪丁野鶴先生輯

金閭劉子賢梓行

天史序

丁君爲天史閱者肅然神
悚翕然稱快蓋深心於儆
世非徒以文鳴者夫史何
爲而作也將以勸善而懲
惡也以勸善懲惡而獨取
夫惡者懲之何也善惡一
心也性惟一善消之而惡
萌矣遂之而惡滋矣縱之
而惡極矣至於惡極寧論

善哉本之一念之差也第
令一念勿淆勿遂而縱何
害惡也故惡去而善自著
矣一懲惡而勸善之法立
矣春秋二百四十二年書

天泉錄二

褒者十之一書貶者十之
九此憂世之心也然而必
繫之天何也盡懲惡之法
也自昔帝王懼夫人之淆
於惡喪其善也爲之禮以

防之防之而不化則刑之
五刑三就五流三居大辟
三千上下比罪豈無育材
貢進之典而刑屬爲多然
而必稱天討勅天吏明夫

天泉錄三

惡者天之所怒非可赦也
惡者天旣怒之王因而刑
之大者干戈中者斧鑕小
者劓鑿有犯而必刑凡以
奉天也故曰予弗順天厥

罪惟鈞其法如是足矣而猶未盡也蓋有元惡大憝乘權據要而法不能加者亦有潛惡隱匿陰謀淫穢而法不及加者法不能加

天史序四

則疑天網之漏法不及加則疑天鑒之疎天明天威有所不至則元惡愈肆怙然陰慝愈深毒螫且至滅倫常殲善類霾噎日月濁

穢乾坤而幽明靈響將漸盡矣然則非天何望乎天之法即帝王之法也然而王法昭天法密王法速天法緩王法止於一身一世

天史序五

而天法至於歷年歷世王法有律有等掌之秋官懸之象魏原情定辟至有可議者則罪疑從輕寧失不辜有寬而不盡之刑天法

則無言無訊。權勢不阿幽
隱不蔽。至巧至詳於其疑
昧者。益復發其穢跡。扣其
陰謀。無漏而不盡之情。王
法有可議。而天誅無議。故

天鑑序六

法至於天。而後人心之公
憤洩。造化之顯道彰。史於
是無遺憾矣。故曰天定勝
人。懲惡之至也。惡懲而人
知懼。於是驚神動魄。怵然

常若雷霆在上。卽有不肖
之心。抑不敢萌。不敢遂而
縱。而真性自如。善端濬發。
不待勸而趨矣。懲惡卽勸
善。此諸史所以獨詳於紀

天鑑序七

惡。而丁君所以獨書作惡
之報。歸之於天也。丁君高
材曠度。有心持世。於茲表
其深衷。真佳刻也。使丁君
而紬金匱之編。必爲董狐

良史之節丁君而司玉律
之任必爲庭堅淑問之明
此固其一班也三代之佐
予且有厚望焉

賜進士榮祿大夫太子太

宋史序八

保工部尚書前都察院

左僉都御史吏科都給

事中侍

經筵眷生鍾羽正頓首拜

撰

青年八十歲



序

天史者出於東海泰岱之
間有士焉發憤而作者也
山不盡於岱水不盡於東
海而天下之言山水者必
宗海岱亦猶夫學士之言
理者而必歸之天也何爲
乎天而史之也曰載報應
也夫五經之言天莫明於
易言報應莫備於春秋又

何爲乎天而史之也曰去
彰而殫是有取於櫛杌之
義爾夫取於是則忠臣孝
子仁吏義士可讀而不必
讀也不忠不孝不仁不義
之臣子吏士不可不讀而
必不讀也可讀而不必讀
者天在其他人中矣不可不
讀而必不讀者天亦在其
人中矣作此史者其有古

心乎然吾將有以進之焉
山之高海之深風雨潮汐
晦冥變滅於其間其將盡
於天也否歟昔者齊人鄒
衍善談天丁君其得所學
歟予不識丁君而知爲
董玄宰先生門下士先生
歸屬予爲序予以先生之
序者序之也山海無際青
蒼浩茫之中吾聞魯多君

子焉斯固有所取爾也

甲戌仲夏臨川陳際泰

拜題於燕都署



陳序曰

序

意厚唯經權尊唯史厚故
容。故豫尊故別。故嚴
先之後之春秋之義也。春
秋亦經亦史。史翼經。經之
刑佐禮權也。而意寓之野
鶴丁君天史所繇纂也。繫
史於天。仍先春於王之意
意原於天。

天子得之為律令。聖人體之

為筆削。總之教人以為善
不為惡而已矣。夫大象夫
風雅。夫經曲。夫典誥。善之
的也。夫春秋。惡之防也。春
故經之。秋故史之。善。惡

楊

惡不畸長。若天史全乎過
惡不幾秋。而不春乎。曰賞
善意歸王。罰惡權歸天。何
也。人羨聰明。不甚於羨華
表。畏斧鉞。不甚於畏雷霆。

楊

章故還王。史故還天。蓋天
之權。妙於用隱。用緩。用巧
用微。用深。有非人力所能
至者。知天之能勝人。處乃
可原天意。以執筆。即執筆

之人之時之地之無故而
發憤之有用而致慨。何一
非天哉。唯史能天。唯天能
史。曰載枳棘。不載芝蘭。載
風霜。不載雨露。詳略天威

福可乎、曰、策進者笙鏞於
前、不若對席於後、以落水
啓句蒙、白帝之權通青帝
意、猶之春秋也、人惡、斯
不為惡、一人不為惡、冰玉

七尺耳、人、不為惡、則太
和在宇宙間、堯舜之世、其
猶病諸、乃知天史、非以桀
跖絕人、實以堯舜望人、以
堯舜望人者、厚莫大焉、豈

唯史良、即以翼經為可

東海楊觀光題



自序

余小子僻處東海之陬窮愁一室不能進而與有道之士君子遊草深木肥用以自娛濩落岩居蓋九年於茲矣狂念倦歸用返靜

自序一

宅焰短而質微欲無言而恐暮也風雪窮廬偶檢先大夫手遺二十一史而涉躐之喟然而悲愀然而恐因見夫天道人事之表裏強弱盛衰之報復與夫亂

臣賊子幽惡大慙之所危亡雄威巨焰金玉樓臺之所消歇蓋莫不有天焉集其明白感應者彙爲十案注以管見十有二篇名曰天史繫史曰天者尊聖言

自序二

也采之記以誌信集之傳以覈實引之經書以定疑取之詩謠以著戒紀罪而不記功言禍而不言福蓋人情畏則生慎慎則生祥譬如聞雷涉海則忠信生

焉庶幾毒域貪鬼用以消
除云爾晨鐘夜磬敲者本
自無心維彼夙根自生懺
悔若夫尚德君子其或進
而教之

崇禎壬申長至日東武丁

印序三

耀亢書於煮石山房



凡例

一茲書彙集左傳、史記、漢書、綱目、二十一史、凡一切稗官野說雖經名公採用者，繁不敢載。

一茲書專尊聖經，借演因果，皆有據之感應，非無影之輪迴，內典外道，杜絕不入。

一序事不拘年代，殷最惟以罪大爲魁，庶附古人輕重之律。

一茲書經兩寒暑而就，上下三千餘年，閱古今文不下數千帙，凡有關報應者，括紙記之，五易稿。

天史

凡例

而後成，其中年月名氏，卽古本多有不合，仍舊存之，不敢去取，以待海內名家訂焉。

一茲刻責備賢者，雖忠良一情，皆致綜核，至於關宦夷狄，非大故不書。

一作者實有苦心，切於渡世，故以敘事明白顯實爲主，便於俗雅省閱，卽生警戒，凡一切磬牙澁口之字句，繁不敢用，寧處陋焉。

一書中徵著筆法，妄擬古史，題中有綱，句中有目，借友人批出，以便觀覽，其事中之綱用雙圈◎。

大中之目用單圈○飾觀敷藻則用點、也、原

非以文字見奇、隱微繫之矣、同志者原之、

一本朝事體、阻於見聞、不敢僭議、有待作者、

一天史十案、案共一百九十五條、其中惡類、不無

或遺、然事同而報一、時異而罪差、有之矣、存而

不論可也、姑舉一以例百云、

一江北風氣鄙薄、著書多謬、茲刻功則尊天、罪則

竊義、故末章責以管見、氣數諸篇、以簡不信天

理者之翻駁焉、覽者鑒之、

天史

凡例

二

一茲書專言報復、未免刻舟、老成者以為勦說、少

年者以為迂談、故觀邪說而易興、聽理言而難

入、情則然也、茲取詩之通於箴規、近於報應者、

名曰集古、附以狂言、亦如佛經之有偈、琴音之

有梵、聖言之采五經、史家之載自敘、使人觀感

而知興焉、庶幾乎作者之用心、

一茲書當有補遺、迫於時日、心手未暇、尚俟續刻、

或海內同志者、肯贊其成、而廣其傳、予將千里

從之、

天史目卷之一

大逆二十九案

隋煬帝大逆無道

張衡賊臣之報

衛州吁弑其君桓公

宋太子劾巫蠱弑逆

寒浞殺羿

萇弘知蔡禍將周

王莽盜名篡漢

天史目

卷之一

一

董卓燃脐達旦

南宮萬弑閔公

朱溫弑君得子禍

安史子禍

劉守光囚父囚兄

蕭正德通賊叛父

梁冀跋扈弑君

曹操司馬懿前後九錫

霍氏毒后滅族